

Headlines

- 1 कुपवाड़ा जिले च सुरक्षा बलें अज्ज घुसपैठ दी कोशश गी नाकाम बनांदे होई दऊं आतंकवादिएं गी मारी मकाया ऐ।
- 2 डॉ. एस.जयशंकर होरें गलाया ऐ जे भारत शंघाई सैहयोग संगठन दे शिखर सम्मेलन च पाकिस्तान कन्नै अपने सरबंघै बारे कोई गल्लबात नेई करोग।
- 3 समूलचे जम्मू कश्मीर दे मतदाताएं भारतीय चुनां आयोग दा शांतिपूर्वक ढंगै सिर चुनां करोआने लेई धन्नबाद कीता।
- 4 भारत विदेशी मुद्रा भंडार च 700 बिलियन डॉलर दा आंकड़ा पार करने आला चौथ मुख्य बनेआ ऐ।

<><><><><><>

Infiltration Bid

उत्तरी कश्मीर दे कुपवाड़ा जिले च सुरक्षाबलें अज्ज द'ऊं आतंकवादिएं गी मारी मकांदे होई बन्ने पारा थमां घुसपैठ दी इक कोशश गी नाकाम बनाई दित्ता ऐ। सोशल मीडिया दी इक पोस्ट च फौज दी चिनार कोर नै आखेआ ऐ जे जिले दे गुगलधार इलाके च घुसपैठ दी कोशश बारै इक खूफिया जानकारी थहोने परैन्त भारती फौज ते जम्मू-कश्मीर पुलसै उत्थे सांझे तौर पर अभियान चलाया। सोहगे जवानें इलाके च संदिग्ध नक्लोहरकत दिक्खी जेहदे परैन्त टाक्करा शुरु होई गेआ ते सुरक्षाबलें दऊं आतंकवादिएं दा सफाया करी दित्ता गेआ। टाक्करे आहली थाहरै थमां भारी मात्रा च थेआर ते गोली बरूद बरामद कीता गेआ ऐ। ऊआं खीरी जानकारी थहोने तगर सुरक्षाबलें दा अभियान बरोबर जारी हा ते इलाके गी खंगालेआ जा करदा हा।

<><><><><><>

EAM

विदेश मंत्री डॉ. एस.जयशंकर होरें गलाया ऐ जे भारत इस्लामाबाद च 15 ते 16 अक्तूबर गी शंघाई सैहयोग संगठन च पाकिस्तान कन्नै कुसै बी चाल्ली दी गल्लबात नेई करोग। डा.जयशंकर होरें एह गल्ल अज्ज नमीं दिल्ली च गवर्नेस दे आईसी केन्द्र राएं आयोजित कीते गेदे सरदार पटले लेक्चर च मीडिया कन्नै गल्ल करदे होई आक्खी। उनें जोर पाया जे उंदे इस समारोह चशिरकत बहु-पक्खी होग। उनें इब्बी आखेआ जे केइएँ ब'रें थमां बैठकां नेई होने करी सार्क गठबंधन अगड़े नेई बधा'रदा ऐ।

<><><><><><>

Doda Voter(byte)

डोडा दे लोकें भारतीय चुनां आयोग गी जम्मू कश्मीर च 10एं ब'रें दे बाद शांतिपूर्वक चुनां करोआने लेई धन्नबाद कीता। मतदाताएं इस चुनां प्रक्रिया च दित्ती गेदी सुविधाएं लेई सरकारै दी सराहना कीती। इक मतदाता नै साढे आकाशवाणी संवाददाता कन्नै गल्ल करदे होई आखेआ.....बाईट

<><><><><><>

Rajouri Voters(byte)

राजौरी जिले दे बक्ख-बक्ख दे इलाके दे बक्ख-बक्ख वर्ग दे लोके भारतीय चुनां आयोग दा रमानदारी आले ढंगे सिर चुनां करोआने आस्तै धन्नबाद कीता। आकाशवाणी संवाददाता कन्ने गल्ल करदे होई किश मतदाताएं आखेआ

<><><><><><>

Training Poonch(byte)

अग्गे होने आले चुनां दी गिनतरी दी प्रक्रिया आस्तै पुंछ जिले च चुनां सरबंधी मुलाजमें आस्तै त्रऊं दिनें दी ट्रेनिंग रखी गेदी ही जेहड़ी अज्ज समाप्त होई। जिला ट्रेनिंग नोडल अधिकारी प्रो. फतेह मोहम्मद अबासी इस ट्रेनिंग च 219 मुलाजमें गी ट्रेन कीता गेआ। एहदा मकसद चुनाएं दी गिनतरी रमानदारी आस्तै ढंगे सिर करोआना हा। इस ट्रेनिंग दे सत्रे च मुलाजमें गी चुनां आयोग दे निर्देश मताबक ईवीएम गी चलाना, रिजल्ट मेलना सखाया गेआ। समापन सत्र च एहदे च हिस्सा लैने आले गी संबोधत करदे होई प्रो. अबासी होरे मुलाजमें दी तैआरी उप्पर भरोसा जाहर कीता। उने आखेआ.....बाईट

<><><><><><>

AIIMS Jammu

एम्स जम्मू नै अपने कार्यकारी निदेशक ते सीईओ डॉ. शक्ति कुमार गुप्ता हुंदी अगुवाई च कामसयाबी कन्ने अपनी पैहली Oral ते Maxillofacial सर्जरी यानि चेहरे, जबड़े ते मुहै दी बमारिएं जां विकारें गी ठीक करने आला आपरेशन करियै इक होर महत्वपूर्ण उपलब्धि अपने नां करी लैती ऐ। एहदे कन्ने हुन एम्स जम्मू च इस विभाग लेई इक नमां ध्याह शुरू होई गेआ ऐ। विभाग दा मकसद हुन अपनिएं सेवाएं दे दायरें गी होर बधाना ऐ। Oral ते Maxillofacial सर्जरियां शुरू होई जाने कन्ने हुन एम्स जम्मू च प्रदेश दे कन्नो कन्नी पंजाब, हिमाचल प्रदेश ते लेह-लद्दाख दे मरीजे गी बी लाह थहोना मुमकन बनी जाग।

<><><><><><>

India Foreign Reserve

चीन, जापान ते स्विडजरलैंड दे कन्ने भारत 700 अरब अमरीकी डॉलरें दे विदेशी भंडार गी पार करने आली दुनिया दी चौथी अर्थबवस्था बनी गेआ ऐ। 27 सितम्बर गी खत्म होए दे हफते च भारत दा विदेशी मुद्रा भंडार 12 इशारिया 588 बिलियन डॉलर बधियै 704 इशारिया 885 बिलियन डॉलरें दे अजे तगर दे सब्बनें शा उच्चे स्तरै पर पुज्जी गेआ। 20 सितम्बर गी खत्म होए दे हफते च विदेशी मुद्रा भंडार 2.8 बिलियन डॉलर बधियै 692 इशारिया 3 बिलियन डॉलर होई गेआ हा। विदेशी मुद्रा भंडार च होए दे बाद्धे नै आलमी सतह दिएं आर्थिक अनिश्चितताएं कन्ने निब्बड़ने दी भारत दी समर्थ गी मजबूत कीता ऐ ते अस्थिर अंतराष्ट्री बजारें दे सामने एहदी मुद्रा गी मती स्थिरता प्रदान कीती ऐ। अज्ज जारी आरबीआई दे ताजा आंकड़े मुजब भारत दा सुन्ने दा भंडार 2.184 अरब डॉलर बधियै 65.796 अरब डॉलर होई गेआ ऐ।

<><><><><><>

PM-Khadi India

प्रधानमंत्री नरेन्द्र मोदी होरे अज्ज खादी दी बिक्री दे नमें रिकार्ड बनने दी उपलब्धि करी सराहना कीती। इक सोशल मीडिया पोस्ट दे राएं उनें मुखे दे लोके दा स्वदेशी बक्खी तेजिया कन्ने बधा'रदे रूझान बारे टिप्पणी कीती। खादी

इंडिया नै रिकार्ड बिक्री हासल कीती ऐ ते नमीं दिल्ली दे खादी भवन च गांधी जयंति दे मौके उपपर इक्के दिन च गै खादी दी 2 करोड़ इक लख 37 जहार रपे दी बिक्री होई ऐ।

<><><><><><>

DRDO Defence

रक्षा अनुसंधान ते विकास संगठन डीआरडीओ नै जंदी 3 ते 4 अक्टूबर गी राजस्थान दे पोखरन च चौथी पीढ़ी दी भलेया उन्नत ते बड़ी घट्ट रेंज आली हवाई रक्षा प्रणाली दियां 3 आजमाईशां कामयाबी कन्नै पूरी कीतियां। एह आजमाईशां मता रफतार आले लक्ष्ये पर कीतियां गेइयां जेहदे राएँ इस प्रणाली दी समर्थ खरी चाल्ली साबत होई। रक्षा मंत्री राजनाथ सिंह होरें इस उपलब्धि लेई डीआरडीओ, थेआरबंद बलें ते सरबंधत उद्योग गी मुबारकबाद दित्ती ऐ। भलेआं अज्जै-कल्लै दिएं तकनीके कन्नै लैस एह नमीं मिसाईल प्रणाली थेआरबंद बलें गी मता सुरक्षत ते तकनीकी तौर पर मता सशक्त बनाग।

<><><><><><>

BSF Recruitment(byte)

एस.टी.सी बीएसएफ उधमपुर दी परेड ग्राउंड च अज्ज बीएसएफ आस्सेआ 624 रंगरूट कांस्टेबलें दी पासिंग आउट परेड दा आयोजन कीता गेआ। आंध्रप्रदेश, ओडिशा ते पच्छिम बंगाल दे इनें रंगरूट कांस्टेबलें 44एं हफतें दी सख्त ट्रेनिंग हासल कीती ऐ ते अज्ज देश सेवा दी सगंध चुक्कने परैत ओह अपनी ड्यूटी आली सरबंधत थाहरें लेई रवाना होई गे। एसटीसी बीएसएफ उधमपुर दे आईजी राजेश कुमार गुरंग होर इस कार्यक्रम दे मुख्य परौहने हे ते उनें परेडदी सलामी बी लैती। उनें रंगरूटें गी दित्ती गेदी ट्रेनिंग दे मानके दी सराहना कीती ते सरबंधत अधिकारिएँ ते अमले गी एहदे लेई मुबारकबाद दित्ती। साढ़े संवाददाता कन्नै गल्ल करदे होई इक रंगरूट नै आखेआ

<><><><><><>

Kathua Sports(byte)

कठुआ दे युवा सेवाएँ ते खेड्डें सरबंधी विभाग आस्सेआ अज्जै थमां लेइयै ओंदी 10 तरीक तगर जिले दे स्पोर्ट्स स्टेडियम च कुड़िएँ दी प्रदेश स्तर दी अंतर-डिवीजन खो-खो प्रतियोगिता दा सरिस्ता कीता जा'रदा ऐ। जम्मू ते कश्मीर डिवीजनें थमां 14एं, 11एं ते 19एं बरें शा हेठली उमरी दे वर्गे च कुड़ियां इस प्रतियोगिता च हिस्सा लै करदियां न। इस बारे आकाशवाणी समाचार कन्नै गल्ल करदे होई जिला खेड्ड अधिकारी सुनील सिंह होरें दस्सेआ.....बाईट

<><><><><><>